



#### UPM Iktiraf Pensyarah Cemerlang dan Berkreativiti Tinggi



Prof. Datuk Dr. Nik Mustapha R. Abdullah (kir) menyampai Anugerah Pengkomersilan kepada Prof. Datin Paduka Dr. Aini Ideris (kanan).

**SERDANG, 6 Mei** – Universiti Putra Malaysia (UPM) mengiktiraf pensyarah dan penyelidik cemerlang melalui Majlis Gemilang Akademia Putra (MGAP) dengan tiga anugerah utama di Hotel Pullman Lakesida, Putrajaya baru-baru ini.

Anugerah tersebut ialah Anugerah Pengajaran Putra (APP) untuk pensyarah cemerlang, Anugerah Penyelidik Cemerlang (APC) untuk penyelidik cemerlang dan Anugerah Perundingan (AP) untuk perundingan yang menjana pendapatan universiti.

Tiga anugerah itu merupakan wahana bagi mengenal pasti calon Anugerah Akademia Negara (AAN) yang dianjurkan Kementerian Pengajian Tinggi Malaysia pada setiap tahun.

Lima penerima APP kategori Pengajar Cemerlang ialah Prof. Dr. Mohamed Ali Rajion dari Fakulti Perubatan Veterinar, Prof. Madya Dr. Samsilah Roslan dari Fakulti Pengajian Pendidikan, Prof. Madya Dr. Saleh Kadzimin dari Fakulti Pertanian sementara Dr. Ooi Peck Toung dari Fakulti Perubatan Veterinar dan Dr. Hng Paik San dari Fakulti Perhutanan pula menerima anugerah Pengajar Muda.

Penerima APC kategori Penerbitan Cemerlang ialah Prof. Dr. Mohd Adzir Mahdi dari Fakulti Kejuruteraan dan Prof. Madya Dr. Norhasni Zainal Abidin dari Fakulti Pengajian Pendidikan sementara Dr. Adam Leow Thean Chor dari Fakulti Bioteknologi dan Sains Biomolekul ialah penerima kategori Penyelidik Muda dan Prof. Datin Paduka Dr. Aini Ideris dari Fakulti Perubatan Veterinar kategori Pengkomersilan.

Lain-lain penerima ialah Prof. Ir. Dr. Mohd Sapuan Salit dari Fakulti Kejuruteraan dengan dua anugerah iaitu Khas Antarabangsa dan Insentif Penerbitan, Prof. Dr. Mohd Adzir Mahdi dari fakulti yang sama menerima Anugerah Penerbitan dan Dr. Syahrinizam Abdullah dari Fakulti Perubatan dan Sains Kesihatan (Insentif Penerbitan).

Penerima anugerah Insentif Paten (Sijil Paten) ialah Prof. Madya Dr. Wong Shaw Voon dari Fakulti Kejuruteraan, Prof. Dr. Raja Noor Zaliha Raja Abd. Rahman dari Fakulti Bioteknologi dan Sains Biomolekul, Prof. Madya Ir. Dr. Azim Dato' Yahya dari Fakulti Kejuruteraan, Prof. Madya Badlishah Sham Baharin dari Fakulti Sains dan Teknologi Makanan dan Prof. Madya Dr. Ishak Aris dari Fakulti Kejuruteraan.

Prof. Dr. Maznah Ismail dari Fakulti Perubatan dan Sains Kesihatan dan Prof. Dr. Mohd Yazid Abd Manap dari Fakulti Sains dan Teknologi Makanan pula menerima Anugerah Penfailan Paten Tertinggi.

Bagi APR pula penerima emas Anugerah Perunding Cemerlang ialah Prof. Madya Dr. Paridah Md Tahir dari Fakulti Perhutanan dengan projek bernilai RM592,783 dan Prof. Madya Dr. Mohd Kamil Yusof dari Fakulti Pengajian Alam Sekitar (RM514,000).

Penerima Perak anugerah yang sama ialah Dr. Azizam Aziz dari Fakulti Perhutanan dengan projek bernilai RM447,475, Dr. Amin Mahir Abdullah dari Fakulti Pertanian (RM415,001), Mohd Basri Hanzah dari Institut Perhutanan dan Produk Hutan (RM403,050), Prof. Dr. Mohd Ali Hassan dari Fakulti Bioteknologi dan Sains Biomolekul (RM300,820) dan Prof. Madya Dr. Awang Noor Abd. Ghani dari Fakulti Perhutanan (RM299,195).

Bagi Anugerah Pusat Tanggungjawab (PTJ) Cemerlang Dalam Perundingan untuk kategori Platinum dimenangi oleh Fakulti Perhutanan dengan projek bernilai RM1,115,450 bagi kategori Emas dimenangi oleh Institut Perhutanan Tropika dan Produk Hutan dengan projek bernilai RM95,833, Fakulti Kejuruteraan (RM717,663) dan Fakulti Pengajian Alam Sekitar (RM559,486).

Bagi kategori perak dimenangi oleh Institut Kajian Dasar Pertanian dan Makanan (RM463,591), Fakulti Pertanian (RM373,711) dan Fakulti Bioteknologi Sains Biomolekul (RM316,920).

Sementara itu Prof. Madya Dr. Paridah Md Tahir dari Institut Perhutanan Tropika dan Produk Hutan memenangi Anugerah Perunding Putra dengan projek bernilai RM592,783.

Dr. Paridah diberi kepercayaan untuk menjalankan dua projek perundingan dengan projek kajian mengenai Sistem Pemantauan dan Auditan untuk Program Tanaman Ladang Hutan bersama Lembaga Perindustrian Kayu Malaysia bernilai RM352,783 dan projek Development of High-Grade Oil Palm Stem Plywood for Building Construction bersama Lembaga Perindustrian Kayu Malaysia yang bernilai RM240,000.



Prof. Datuk Dr. Nik Mustapha R. Abdullah bergambar bersama pemenang selepas majlis tersebut.

Disediakan oleh Seksyen Media dan Publisiti, Bahagian Komunikasi Korporat, UPM.